

全上古三代秦漢三國六朝文

全後漢文卷九十五

烏程嚴

宦官

曹節

節字漢豐，南陽新野人。順帝初爲小黃門。桓帝時遷中常侍，奉車都尉。呂迎立靈帝功，封長安鄉侯。矯詔誅竇武、陳蕃，遷長樂衛尉，封育陽侯。拜車騎將軍罷，復爲中常侍，位特進。轉大長秋，領尚書令。卒贈車騎將軍。

上書

功薄賞厚，誠有踈蹠。

文選阮籍爲鄒沖勸進晉王賤注

徐璜

璜下邳良城人。桓帝初爲中常侍。延熹二年，呂誅梁冀功，封武原侯，邑萬五千戶。與單超等稱五侯。

白言史官諱占日蝕

臣切見道術家常言漢死在戊亥今太歲在丙戌五月甲戌日蝕
郴宿朱雀漢家之貴國宿分周地今京師是也史官上占去重見
輕續漢五行志六延熹九年注補引梁冀別傳常侍徐璜泊言

朱瑀

瑀建藍初爲長樂五官史與曹節誅竇武陳蕃封都鄉侯後更
封華容侯

陰于明堂中禱皇天

竇氏無道請皇天輔皇帝誅之令事必成天下得藍

後漢書節傳

呂強

強字漢盛河南成皋人少呂宦者爲小黃門再遷中常侍中平

初爲中常侍趙忠所誣自殺

上疏陳事

臣聞諸侯上象四七，下列王土高祖重約非功。臣不俟所冒重天爵，明勸戒也。伏聞中常侍曹節、王甫、張讓等及侍中許相並爲列侯，節等宦官祐薄，品卑人賤，讒詔媚主，佞邪微寵，放毒人物，疾如忠良。有趙高之禍，未被轂裂之誅，掩朝廷之明，成私樹之黨。而陛下不悟，妄授茅土，開國承家，小人是用，又并及家人，重金兼紫，相繼爲蕃輔，受國重恩，不念爾祖述修厥德，而交結邪黨，下比羣佞，陛下惑其瑣才，特蒙恩澤，又授位乖越，賢才不升，素餐私倖，必加榮擢。陰陽乖刺，稼穡荒蔬，人用不康，固不絲茲。臣誠知封事已行，言之無逮，所冒冒死于觸陳愚忠者，實願陛下損改既謬，從此一止。臣又聞後宮絲女數千餘人，衣食之費，日數百金，比穀雖賤，而戶有飢色。案法當貴，而今更賤者，繇賦發繁數，召解縣官，寒不敢衣，飢不敢食，民有斯戾，而莫之卹。宮女無用，填積後庭，天下雖復盡力耕桑，猶不能供。昔楚女悲愁，則西宮致災，況終年積聚，豈無

憂怨平。夫天生蒸民立君以牧之。君道得則民戴之如父母。仰之猶日月。雖時有愆稅。猶望其仁恩之惠。易曰。說以使民。民忘其勞。悅以犯難。民忘其死。儲君副主。宜諷誦斯言。南面當國。宜履行其事。又承詔書。當于河間故國。起解瀆之館。陛下龍飛卽位。雖從藩國。然處九天之高。豈宜有顧戀之意。且河間疏遠。解瀆邈絕。而當勞民單力。未見其便。又今外戚四姓。貴幸之家。及中官公族。無功德者。造起館舍。凡有萬數。樓閣相接。丹青素堊。雕刻之飾。不可單言。喪葬踰制。奢麗過禮。競相放效。莫肯矯拂。穀梁傳曰。財盡則怨。力盡則懟。尸子曰。君如杼。民如水。杼方則水方。杼圓則水圓。上之化下。猶風之靡草。今上無去奢之儉。下有縱欲之敝。至使禽獸食民之甘。土木衣民之帛。昔師曠諫晉平公曰。梁柱衣繡。民無褐衣。池有棄酒。士有渴死。廄馬林乘。民有飢色。近臣不敢諫。遠臣不得啞。此之謂也。又聞前召議郎蔡邕。對問于金商門。而令中常侍曹

節王甫等。已詔書喻旨，邑不敢懷道迷國，而切言極對，毀刺貴臣，譏呵豎宦。陛下不密其言，至令宣露，羣邪項領，脅脣拭舌，競欲咀嚼，造作飛條。陛下回受誹謗，致邑刑罪，室家徙放，老幼流離，豈不負忠臣哉？今羣臣皆已邑爲戒，上畏不測之難，下懼劖客之害，臣知朝廷不復得聞忠言矣。故太尉段熲，武勇冠世，習于邊事，垂髮服戎，功成皓首，歷事二主，勳烈獨照。陛下旣已式序位登台司，而爲司隸校尉陽球所見誣脅，一身旣斃，而妻子遠播，天下惆悵。功臣失望，宜徵邕更授任，反頽家屬，則忠貞路開，眾怨已弭矣。後漢呂強傳

諫稿私憾疏

天下之財莫不生之陰陽歸之陛下歸之陛下豈有公私而今中尚方斂諸郡之寶，中御府積天下之緝，西闕引司農之臧，中廄聚太僕之馬，而所輸之府，輒有導行之財，調廣民困，費多獻少，姦吏

因其利百姓受其敝袁宏紀作輒有導行之財皆出于民今發十
九貢一費多而獻少無爲使姦使用巧私門
致富也又阿媚之臣好獻其私容諂姑息自此而進袁宏紀此下有
府所有無爲使從諫舊典選舉委任三府三府有選參議掾屬容
之臣得自媒謾也其行狀度其器能受試任用貴已成功若無可察然後付之尚書其所奉獻皆御尚書舉劾請下廷尉覆案虛實行其誅罰今但任尚書或復敕用如是三公得免選舉之負尚書亦復不坐責賞無歸豈肯空自苦勢乎此三語袁宏紀作尚書又無考課之勤陛下虛自勞苦有廢亂之負無所責也夫立言無顯過之咎明鏡無見玼之尤如惡立言呂記過則不當學也不欲明鏡之見玼則不當照也願陛下詳思臣言不已記過見玼爲責後漢呂強傳又見袁宏後漢紀

上疏

二十四

書
後漢

苟寵所愛私擢所幸不復爲官擇人反爲人擇官文選干寶晉紀總論注引謝承

趙佑

佑，北海人。靈帝時宦者與汝陽李巡等著作校書。

上言沖帝質帝母未有稱號

春秋之義，母呂子貴，隆漢盛典，尊崇母氏。凡在外戚，莫不加寵。今
沖帝母虞大家，質帝母陳夫人，皆誕生聖皇而未有稱號。夫臣子
雖賤，尚有追贈之典。況二母見在，不蒙崇顯之次，無以述尊先世。
垂示後世也。後漢順帝虞美人紀嘉平四年小黃門趙佑議郎舉
整上言帝感其言乃拜虞大家爲盧陵貴人陳夫人
爲渤海孝王妃

蹇碩

碩，靈帝末爲上軍校尉。獻帝初，何進收誅之。

與中常侍趙宋典書

大將軍兄弟秉國專朝，今與天下黨人謀誅先帝左右，埽滅我曹。
但呂碩典禁兵，故且沈吟。今宜共閉上閣，急捕誅之。後漢何進傳

大將軍兄弟秉國威權欲與天下黨人共誅內官呂碩有兵尙且
沈吟觀其旨趣必先誅碩次及諸君今欲除私讎自輔公家袁宏
後漢

靈帝紀下
二十五

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷九十五終

全後漢文卷九十六

烏程嚴可均校輯

列女

班昭

昭一名姬，字惠班，扶風人，班彪之女，固之妹。曹世叔妻，早寡，固爲漢書，其八表及天文志未竟，和帝詔就東觀續成之，數召入宮，令皇后貴人師事號曰曹大家。有女賦七篇，集三卷。

東征賦

子穀爲陳留長，大家隨至官，作東征賦。

文選注引
大家集

惟永初之有七年，余隨子乎東征。時孟春之吉日兮，撰良辰而將行。乃舉趾而升輿兮，夕予宿乎偃師。遂去故而就新兮，志愴恨而懷悲。明發曙而不寐兮，心遲遲而有違。酌鑄酒呂弛念兮，喟抑情而自非。諒不登櫟而椓蠡兮，得不陳力而相追。且從眾而就列兮。

聽天命之所歸遵通衢之大道兮求捷徑欲從誰乃遂往而徂逝兮聊游目而遨魂歷七邑而觀覽兮遭鞏縣之多艱望河洛之交流兮宿陽武之桑閒涉封丘而踐路兮慕京師而竊歎小人性之息足兮成皋之旋門既免脫于峻嶮兮歷滎陽而過卷食原武之懷土兮自書傳而有焉遂進道而少前兮得平丘之北邊入匡郭而追遠兮念夫子之厄勤彼衰亂之無道兮乃困畏乎聖人悵容與而久駐兮忘日夕而將昏到長垣之境界察農野之居民睹蒲城之丘墟兮生荆棘之榛榛惕覺寤而顧問兮想子路之威神衛人嘉其勇義兮訖于今而稱云蘧氏在城之東南兮民亦尚其丘墳唯合德爲不朽兮身既沒而名存惟經典之所美兮貴道德與仁賢吳札稱多君子兮其言信而有徵後衰微而遭患兮遂陵遲而不興知性命之在天由力行而近仁勉仰高而蹈景兮盡忠恕而與人好正直而不回兮精誠遍于明神庶靈祇之鑒照兮祐貞

良而輔信亂曰君子之思必成文兮盍各言志慕古人兮先君行
止則有作兮雖其不敏敢不法兮貴賤貧富不可求兮正身履道
召俟時公脩短之運愚智同兮靖恭委命唯吉凶兮敬慎無怠思
謙約兮清靜少欲師公綽兮

文選藝文類賦二十七

鍼縷賦

鎔秋金之剛精形微妙而直端性通達而漸進博庶物而一貫惟
鍼縷之列迹信廣博而無原退逶迤目補過侷素絲之羔羊何斗
胥之足算咸勒石而升堂

藝文類聚六十五御覽八百三十

大雀賦

大家同產兄西域都護定遠侯班超獻大雀詔令大家作賦曰
嘉大雀之所集生崑崙之靈丘同小名而大異乃鳳皇之匹疇懷
有德而歸義故翔萬里而來遊集帝庭而止息樂和氣而優游上
下協而相親聽雅頌之雍雍自東西與南北咸思服而來同

藝文類聚

九十二又御覽九百二十

二引曹大家集作大雀頌

蟬賦

伊玄蟲之微陋，亦攝生于天壤。當三秋之盛暑，陵高木之流響。融風被而來遊，商焱厲而化往。藝文類聚九十七又初學記三十引兩條

吸清露于丹園，抗喬枝而理翮。崇皇朝之輝光，映豹豹而灼灼。

初學記

記三十御覽四十四

復丹款之未足，畱滯恨乎天際。

文選庾亮讓中書令表注

爲兄超求代疏

妾同產兄西域都護定遠侯超，幸得呂微功，特蒙重賞，爵列通侯。位二千石，天恩殊絕，誠非小臣所當被蒙。超之始出，志捐軀命，冀立微功。呂自陳效會，陳睦之變，道路隔絕，超目一身，轉側絕域。曉譬諸國，因其兵眾，每有攻戰，輒爲先登。身被金夷，不避死亡，賴蒙陛下神靈，且得延命沙漠，至今積三十年，骨肉生離，不復相識。所

與相隨時人士眾皆已物故超年最長今且七十衰老被病頭髮無黑兩手不仁耳目不聰扶杖乃能行雖欲竭盡其力以報塞天恩迫于歲暮大馬齒索纏夷之性悖逆侮老而超旦暮入地久不見代恐開姦宄之源生逆亂之心而公卿大夫咸懷一切莫肯遠慮如有卒暴超之氣力不能從心便爲上損國家累世之功下棄忠臣竭力之用誠可痛也故超萬里歸誠自陳苦急延頸踰望三十年于今未蒙省錄妾竊聞古者十五受兵六十還之亦有休息不任職也緣陛下召至孝理天下得萬國之歡心不遺小國之臣況超得備侯伯之位故敢觸死爲超求哀苟超餘年一得生還復見闕庭使國永無勞遠之慮西域無倉卒之憂超得長蒙文王葬骨之恩子万哀老之惠詩云民亦勞止汔可小康惠此中國曷綏四方超有書與妾生訣恐不復相見妾誠傷超召壯年竭忠孝于沙漠疲老則便捐死于曠遠誠可哀憐如不蒙救護超後有一旦之

全後漢文卷九十六

變冀幸超家得蒙趙母衛姬先請之貸妾愚懶不知大義觸犯忌

諱後漢班超傳又略見袁宏後漢紀十四

上鄧太后疏

伏惟皇太后陛下躬聖德之美隆唐虞之政闢四門而開四聰采
狂夫之瞽言納蕩蕪之謀慮妾昭得呂愚朽身當威明敢不披露
肝膽呂效萬一妾聞謙讓之風德莫大焉故典墳述美神祇降福
昔夷齊去國天下服其廉高太伯違邠孔子稱爲三讓所呂光昭
令德揚名于後者也論語曰能呂禮讓爲國子從政乎何有由是
言之推讓之誠其致遠矣今四舅深執忠孝引身自退而呂方垂
未靜拒而不許如後有毫毛加于今日誠恐推讓之名不可再得
緣見逮及故敢昧死竭其愚情自知言不足采呂示蟲螻之赤心

女傳後漢列

欽器頌

侍帝王之密坐

文選曹植與
吳季重書注

女誠

鄙人愚暗受性不敏蒙先君之餘寵賴母師之典訓年十有四執
箕箒于曹氏于今四十餘載矣戰戰兢兢常懼黜辱呂增父母之
羞呂益中外之累夙夜劬心勤不告勞而今而後乃知免耳吾性
疏頑教導無素恆恐子穀負辱清朝聖恩橫加猥賜金紫實非鄙
人庶幾所望也男能自謀矣吾不復呂爲憂也但傷諸女方當適
人而不漸訓誨不聞婦禮懼失容它門取恥宗族吾今疾在沈滯
性命無常念汝曹如此每用惆悵間作女誠七章願諸女各寫一
通庶有補益裨助汝身去矣其勸勉之

卑弱第一

古者生女三日臥之牀下弄之瓦塽而齋告焉臥之牀下明其卑
弱主下人也弄之瓦塽明其習勞主執勤也齋告先君明當主繼

祭祀也。三者蓋女人之常道。禮法之典教矣。謙讓恭敬。先人後己。有善莫名。有惡莫辭。忍辱含垢。常若畏懼。是謂卑弱下人也。晚寢早作。勿憚夙夜。執務私事。不辭劇易。所作必成。手迹整理。是謂執勤也。正色端操。㠭事夫主。清靜自守。無好戲笑。潔齋酒食。㠭供祖宗。是謂繼祭祀也。三者苟備。而患名稱之不聞。黜辱之在身。未之見也。三者苟失之。何名稱之可聞。黜辱之可遠哉。

夫婦第二

夫婦之道。參配陰陽。通達神明。信天地之弘義。人倫之大節也。是㠭禮貴男女之際。詩著關雎之義。由斯言之。不可不重也。夫不賢則無㠭御。婦婦不賢。則無㠭事夫。夫不御。婦則威儀廢缺。婦不事夫。則義理墮闕。方斯二者。其用一也。察今之君子。徒知妻婦之不可不御。威儀之不可不整。故訓其男。檢㠭書傳。殊不知夫主之不可不事。禮義之不可不存也。但教男而不教女。不亦蔽于彼此之

數平禮八歲始教之書十五而至于學矣獨不可依此㠭爲則哉

敬慎第三

當者此由

陰陽殊性男女異行陽曰剛爲德陰曰柔爲用男曰彊爲貴女曰弱爲美故鄙諺有云生男如狼猶恐其延生女如鼠猶恐其虎然則脩身莫若敬避彊莫若順故曰敬順之道婦之大禮也夫敬非它持久之謂也夫順非它寬裕之謂也持久者知止足也寬裕者尚恭下也夫婦之好終身不離房室周旋遂生嫌讐嫌讐既生語言過矣語言既過縱恣必作縱恣既作則侮夫之心生矣此由于不知止足者也夫事有曲直言有是非直者不能不爭曲者不能不訟訟爭既施則有忿怒之事矣直者于不尚恭下者也侮夫不饋譴呵從之忿怒不止楚撻從之夫爲夫婦者義曰和親恩曰好合楚撻旣行何義之存譴呵旣宣何恩之有恩義俱廢夫婦離矣

婦行第四

女有四行。一曰婦德，二曰婦言，三曰婦容，四曰婦功。夫云婦德不必才明絕異也。婦言不必辯口利辭也。婦容不必顏色美麗也。婦功不必功巧過人也。清閑真靜，守節整齊，行已有恥，動靜有法，是謂婦德。擇辭而說，不道惡語，時然後言，不厭于人，是謂婦言。盥浣塵穢，服飾鮮潔，沐浴，是謂婦容。專心紡績，不好戲笑，潔齋酒食，是謂婦功。此四者，女人之大德而不可乏之者也。然爲之甚易，唯在存心耳。古人有言：仁遠乎哉？我欲仁而仁斯至矣。此之謂也。

專心第五

禮夫有再娶之義，婦無二適之文。故曰：夫者天也，天固不可逃。夫固不可離也。行違神祇，天則罰之。禮義有愆，夫則薄之。故女憲曰：得意一人，是謂永畢；失意一人，是謂永訖。由斯言之，夫不可不求其心，然所求者亦非謂佞媚苟親也。固莫若專心正色，禮義居絜。

耳無淫聽、目無邪視、出無冶容、人無廢飾、無縱會羣輩、無看視門戶、此則謂專心正色矣。若夫動靜輕脫、視聽陥輸、入則亂髮壞形、出則窈窕作態、說所不當道、觀所不當視、此謂不能專心正色矣。

曲從第六

夫得意一人是謂永畢、失意一人是謂永訖、欲人定志專心之言也、舅姑之心、豈當可失哉。物有已恩自離者、亦有已義自破者也。夫雖云愛舅姑云非、此所謂已義自破者也。然則舅姑之心奈何、固莫尚于曲從矣。姑云不爾而是、固宜從令。姑云爾而非、猶宜順命、勿得違戾。是非爭分曲直、此則所謂曲從矣。故女憲曰：婦如形容、焉不可賞。

和叔妹第七

婦人之得意于夫主、由舅姑之愛己也。舅姑之愛己、由叔妹之譽己也。由此言之、我臧否譽毀、一由叔妹。叔妹之心復不可失也。皆

莫知叔妹之不可失，而不能和之。曰：求親其蔽也哉？自非聖人鮮能無過。故顏子貴于能改，仲尼嘉其不貳，而況婦人者也？雖曰賢女之行，聰哲之性，其能備乎？是故室人和則謗掩，外內離則惡揚，此必然之勢也。易曰：二人同心，其利斷金；同心之言，其臭如蘭。此之謂也。夫嫂妹者，體敵而尊，恩疏而義親。若淑媛謙順之人，則能依義曰篤好，崇恩曰結援，使徽美顯章，而瑕過隱塞。舅姑矜善，而夫主嘉美，聲譽曜于邑鄰，休光延于父母。若夫憇恩之人，于嫂則託名曰自高，于妹則因寵曰驕盈。驕盈既施，何和之有？恩義既乖，何與之臻？是曰美隱而過宣，姑忿而夫愧，毀譽布于中外，恥辱集于厥身。進增父母之羞，退益君子之累，斯乃榮辱之本，而顯否之基也。可不慎哉！然則求叔妹之心，固莫尚于謙順矣；謙則德之柄，順則婦之行。凡斯二者，足曰和矣。詩云：在彼無惡，在此無射。其斯之謂也。

後漢列女傳

梁嬪

嬪，安定烏氏人。梁諫女。明帝梁貴人姊。南陽樊調妻。加號梁夫人。

上書自訟

妾同產女弟貴人，前充後宮，蒙先帝厚恩，得見寵幸。皇天授命，誕生聖明，而爲竇憲兄弟所見譖訴，使妾父竦冤死牢獄，骸骨不掩。老母孤弟遠徙萬里，獨妾遭脫逸，伏草野，常恐沒命無由自達。今遭值陛下神聖之運，親統萬機，羣物得所，憲兄弟姦惡既伏，辜誅海內，曠然各獲其宜。妾得蘇息，拭目更視，乃敢昧死自陳。所天妾聞太宗卽位，薄氏蒙榮。宣帝繼統，史族復興。妾門雖有薄史之親，獨無外戚餘恩，誠自悼傷。妾父旣冤，不可復生。母氏年殊七十，及弟棠等遠在絕域，不知死生，願乞收竦朽骨，使母弟得歸本郡，則施過天地，存沒幸賴。後漢梁諫傳又見袁宏後漢紀十四稍有刪節

杜泰姬

泰姬，南鄭人，健爲太守趙宣妻。

案典引序永平十七年有小黃門趙宣非即此

教子

中人情性，可上下也。在其檢耳。若放而不檢，則入惡也。昔西門豹佩韋呂自寬，宓子賤帶弦呂自急，故能改身之恆，爲天下名士。

華陽國志

國志十下

戒諸女及婦

吾之姪身在乎正順，及其生也，思存于撫愛，其長之也，威儀呂先。後之禮貌呂左右之恭敬，呂監臨之懃恪，呂勸之孝順，呂內之忠信，呂發之是皆成而無不善。汝曹庶幾勿忘吾法也。

華陽國志十下

楊禮珪

禮珪，成固陳省妻，楊元珍之女。

教二婦

吾先姑母師也。常言聖賢必勞民者使之忠善不勞則逸逸則不才。吾家不爲貧也。所召粗食急務者使知苦難備。華陽國志十下

李文姬

文姬南鄭人趙璵妻太尉李固女。

敕弟燮

先公爲漢忠臣雖死之日猶生之年梁冀召族弟幸濟豈非天乎慎勿有一言加梁氏加梁氏則連主上是又撥禍也。華陽國志十下

陳惠謙

惠謙成固人度遼將軍張亮則妻。

戒兄子伯思

君子疾沒世而名不稱不患年不長也且夫神仙愚惑如繫風捕影非可得也。華陽國志十下

竇玄妻

妻姓名未詳。竇玄字叔高，平陵人。

與竇玄書

竇玄形貌絕異，天子召公主妻之。舊妻與玄書別曰：

棄妻斥女，破白竇生。卑賤鄙陋，不如貴人。妾自己遠，彼自己親。何所告訴，仰呼蒼天。悲哉！竇生衣不厭新人，不厭故悲不可忍。怨不自去，彼獨何人而居我處？裁文類
三十

徐淑

淑，隴西人。黃門郎秦嘉妻。有集一卷。

答夫秦嘉書

知屈珪璋應奉藏使，策名王府，觀國之光。雖失高素，昭然之業亦是仲尼執鞭之操也。自初承問心，願東還。迫疾惟宜，抱歉而已。日月已盡，行有伴侶。想嚴莊已辦，發邁在近。誰謂宋遠，企予望之。室邇人遐，我勞如何。深谷逶迤，而君是涉。高山巖巖，而君是越。斯亦

難矣。長路悠悠而君是踐冰霜慘烈而君是履身非形影何得動而輒俱體非比目何得同而不離于是詠管草之喻自消兩家之思割今者之恨自待將來之歡今適樂土僂游京邑觀王都之壯麗察天下之珍妙得無目玩意移往而不能出耶藝文類聚三十二

又報嘉書

旣惠音令兼賜諸物厚顧慇懃出于非望鏡有文彩之麗斂有殊異之觀芳香旣珍素琴益好文選嵇康贈秀才入軍詩注作又好恩異物于鄙陋割所珍自相賜非豐恩之厚孰肯若斯覽鏡執斂情想鬢鬚操琴詠詩思心成結敕自芳香馥身喻自明鏡鑒形此言過矣未獲我心也昔詩人有飛蓬之感班婕妤有誰榮之歎素琴之作當須君歸明鏡之鑒當待君還未奉光儀則寶斂不設也未侍帷帳則芳香不發也藝文類聚三十二又略見御覽七百十七作今君征未還鏡將何施明鏡鑒形當待君至又七百十八九百八十一今奉旄牛尾拂一枚可自拂塵垢越布書鈔一百三十六作越州手巾二枚嚴

器中物幾具，金錯盃一枚，可呂咸書水琉璃盃一枚，可呂服藥酒。
欽文類聚七十三御覽七百三
七百十六七百十七七百六十
今奉細布轍一量
御覽六百九十七

爲誓書與兄弟

蓋聞君子導人曰德，矯俗曰禮。是曰列士有不移之志，貞女無迴
二之行。淑雖婦人，竊慕殺身成義，死而後已。夙遭禍罰，喪其所天。
男弱未冠，女幼未笄。是曰僥倖，俛求生，將欲長育二子，上奉祖宗之
廟，下繼祖稱之禮。然後覲于黃泉，永無慚色。仁兄德弟，既不能屬
高節于弱志，發明于闇昧，許我他人，逼我干上，乃命官人訟之。
訟書夫智者不可惡，目事仁者不可脅。目死晏嬰不目白刃臨頭，
改正直之辭，梁寧不目毀形之痛，忘執節之義。高山景行，豈不思
齊？計兄弟不能匡我，曰道博我，文雖曰既學，吾謂之未也。
御覽四百四十一引杜預女記淑喪夫守寡兄弟將嫁之誓而不許爲書曰
云云案史記云徐氏毀形不嫁哀歎傷生遺典六十九首成和

五年故騎侍郎劉嬪妻子王氏上表云漢代秦嘉早亡其妻徐淑乞子而養之淑亡後子劉述外朝廷通儒移其鄉邑劉述所養子遠繼秦氏之祀

袁氏

袁氏汝南汝陽人司徒袁安曾孫女太尉楊彪妻

荅曹公夫人卞氏書

彪袁氏頓首頓首路跋雖近不展淹久歎想之勞情抱山積曹公匡濟天下遐邇昌盛四海歸仰莫不感戴小兒疏細謬蒙采拾未有上報果自招罪戾念之痛楚五內傷裂尊意不遺伏辱惠告見明公與太尉書具知委曲度子之行不過父母小兒遠越分應至此憐其始立之年畢命埃土遺育孤幼言之崩潰明公所賜已多又加重資禮頗非宜荷受輒付往信曉古文

丁廙妻

文選注作丁儀妻初學記作丁儀無妻字

丁廙妻姓氏未詳

寡婦賦

案寡婦者阮元瑜之妻見魏文帝寡婦賦序
言命王粲等竝作之此篇蓋亦當時應教者

惟女子之有行固歷代之彝倫辭父母而言歸奉君子之清塵如
懸蘿之附松併浮萍之託津恐施厚而德薄若履冰而臨淵何性
命之不造遭世路之險邇榮華晦其始茂所恃奄其徂泯靜閉門
呂卻埽魂孤斃呂窮居刷朱扉呂白堊易玄帳呂素幘舍慘悴其
何訴抱弱子呂自慰顧顏貌之絕絕對左右而掩涕時翳翳呂稍
陰日亹亹呂西墜鳥淩虛呂徘徊口口口口口雞歛翼呂登棲
雀分散呂羣逝還空牀呂下幃拂衾褥呂安寐氣憤薄而交繁抱
索枕而歎欷想逝者之有憑因宵夜之鬢髮痛存亡之異路終窈
漠而不至時荏苒而不留將遷靈呂大行駕龍輶于門側設祖祭
于前廊口口口口口施繡紛呂飛揚彼生離其猶難矧永絕而不
不傷口口口口口涕流迸呂淋浪自銜恤而在疚履春冬之四
節風蕭蕭而增勁寒凜凜而彌切霜淒淒而夜降水濂濂而晨結

雪翩翩日交零口口口口口口口瞻靈宇之空虛悲好幌之徒設仰
皇天而歎息腸一日而九結神爽繩其日永歲功忽其已成惟人
生于世上若馳驟之過櫨計先後其何幾亦同歸乎幽冥下缺上
賤妾熒熒顧影爲儔下缺指文類聚三十四又見文選潘岳家婦賦注陶潛歸去來辭注初學記十四

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷九十六終

全後漢文卷九十七

烏程嚴可均校輯

闕名

刺史周行郡國呂六條問事詔

刺史班宣周行郡國省察治政黜陟能否斷理冤獄呂六條問事
非條所問卽不省

一條強宗豪右田宅踰制呂強陵弱呂眾暴寡

二條二千石不奉詔書遵承典制倍公向私旁詔守利侵漁百姓
聚斂爲姦

三條二千石不卹疑獄風厲殺人怒則任刑喜則任賞煩擾苛暴
剝戮黎元爲百姓所疾山崩石裂妖祥訛言

四條二千石選署不平苟阿所愛蔽賢寵頑

五條二千石子弟怙恃榮勢請託所監

六條二千石違公下比阿附豪強通行貨賂割損政令

續漢百官志五注補

引蔡璡漢儀

詔書舊典

呂尹昆爲尚書僕射詔

惟君公曹時目太守之備克獎王室其省錄臺事勿令謬誤

北堂書鈔

五十九 弘謝承後漢書尹昆字曰淵爲侍御七日特拜

尚書僕射詔云云案此詔原本缺誤不可據何帝疾考

祀令

天子行有所之出河沈用白馬珪璧各一衣呂繒緹五又祠用脯
二束酒六斗鹽一升涉渭灞涇洛地名水如此者沈珪璧各一律
在所給祠其及行沈祠他川水先驅投石少時給珪璧不滿百里

者不沈

通典五十四

上順帝書

臣爲陛下子陛下爲臣父臣章百上終不見省臣豈可北詣單于

冒告怨乎

後漢虞詡傳先是監陽主簿詡聞訃其縣令之枉積六七歲不省主簿乃上書云云

月暈上書請赦命

昔有大星升漢而西，卷舌揚芒，追月，燿惑犯帝坐，則有大臣枉誅。

星在西方，太尉固應之。今暈如之，宜有赦命錄其遺附，冒除此異。

華陽國志

延熹二年梁冀誅後月經陽

道暈五車史官上書于是不書赦固子變

上言得嚴光

有男子披羊裘釣澤中

御覽六百九十四齊固上言

上言增科禁

古者肉刑嚴重，則人畏法令。今憲律輕薄，故姦軌不勝，宜增科禁。

呂防其源

後漢杜林傳建武十四年羣臣上言

上言桑蠶

章帝元和中

臣行部入長沙界，觀者皆徒跣。臣問御佐曰：「人無履亦苦之否？」御佐對曰：「十二月感寒時，並多剖裂，血出燃火燎之。春溫或濃潰，建武中桂陽太守莢充教人種桑蠶，人得其利。至今江南頗知桑蠶。」

緘屨皆充之化也。

後漢劉曜傳注引東觀記曰元和中荊州刺史上言

上言清河孝王尊號

安帝建光元年三月

清河孝王至德淳懿載育明聖承天奉祚爲郊廟主漢興高皇帝尊父爲太上皇宣帝號父爲皇考序昭穆置園邑太宗之義舊章不忘宜上尊號曰孝德皇皇妣左氏曰孝德后孝德皇母宋貴人追謚曰敬隱后

後漢清河孝王廣傳有司上言

清河孝王至德純一含弘光大既受帝祉載生明聖舊章法制宜有尊號不宜稱王宜曰孝德皇妣曰孝德后祖妣宗貴人曰敬德后

通典七十二有司上言與後漢本傳異今兩存之

因天變上言

當有陰謀不宜北行

魏志武帝紀注引九州春秋靈帝欲北巡冀州刺史王芬等謀因此作難上書求起兵會

北方有赤氣東西竟天太史上言云云帝乃止

奏上尊號

建武末年

漢遣王莽宗廟廢絕，豪傑憤怒，兆人塗炭。王與伯升首舉義兵，更始因其資，自據帝位，而不能奉承大統，敗亂綱紀，盜賊日多，羣生危懼。大王初征昆陽，王莽自潰，後拔邯鄲，北州弭定，參分天下，而有其二，跨州據土，帶甲百萬，言武力則莫之敢抗，論文德則無所計。萬姓爲心。後漢光武紀至中
山諸將復上奏

復奏

受命之符，人應爲大。萬里合信，不議同情。周之白魚，易足比焉。今上無天子，海內淆亂，符瑞之應，昭然著聞。宜答天神，以塞羣望。

後漢五行志
六建武二十

臣復奏
光武紀羣

奏禁諸王客

諸王所招待者，或眞僞雜受刑罰者子孫，宜可分別。

後漢五行志
六建武二十

八年有
人上奏

奏請封禪

登封告成，爲民報德。百王所同，陛下輒拒絕不許。臣下不敢頌功，述德業。河雒識書赤漢九世，當巡封泰山。凡三十六事，傳奏左帷。陛下遂召仲月令辰，遵岱嶽之正禮，奉圓雒之明文。日和靈瑞，日爲兆民。續漢祭祀志上注引東觀書

奏請封禪刻石

中元元年二月

河雒圖記表章赤漢九世，尤著明者。前後凡三十六事，與博士充等議，曰爲殷統未絕，黎庶繼命。高宗久勞，猶爲中興。武王因父受命之列，據三代郊天。因孔子甚美其功，後世謂之聖王。漢統中絕，王莽盜位，一民莫非其臣。尺土靡不其有。宗廟不祀，十有八年。陛下無十室之資，奮振于匹夫，除殘去賊，興復祖宗，集就天下。海內治平，夷狄慕義，功德盛于高宗。宜封禪爲百姓祈福，請親定刻石。紀號文太常奏儀制。續漢祭祀志上注引東觀書上至泰山有司復奏

奏封禪故事

周
五下用
字當作

當用方石再累置壇中皆方五尺厚一尺用玉牒書藏方石牒厚五寸長尺三寸廣五寸有玉檢又用石檢十枚列于后傍東西各三南北各二皆長三尺廣一尺厚七寸檢中刻三處深四寸方五寸有蓋檢用金縷五用呂水銀和金呂爲泥玉瑩一方寸二分一枚方五寸方石四角又有距石皆再累枚長一丈厚一尺廣二尺皆在圓壇上其下用距石十八枚皆高三尺厚一尺廣二尺如小碑環壇立之去壇三步距石下皆有石踏入地四尺又用石碑高九尺廣三尺五寸厚尺二寸立壇丙地去壇三丈呂上呂刻書漢

祭祀志上建武三十二年

漢

奏請撰集符羣臣請令太史撰集符瑞

中元元年

地祇靈應而朱草萌生孝帝每有嘉瑞輒呂改元神爵五鳳甘露黃龍列爲年紀蓋呂感致神祇表彰德信是呂化致升平稱爲中

興今天下清寧靈物仍降陛下情存損挹推而不居豈可使祥符顯慶沒而無聞宜令太史撰集以傳來世後漢光武紀中元元年夏羣臣奏

奏上明帝廟號

孝明皇帝聖德淳茂劬勞日曜身御浣衣食無兼珍澤臻四表遠人慕化僬僥儕耳款塞自至克伐鬼方開道西域威靈廣被無思不服呂烝庶爲憂不目天下爲樂備三雍之教躬養老之禮作登歌正雅樂博貫六藝不含晝夜聰明淵塞著在圖識至德所感通于神明功烈光于四海仁風行于千載而深執謙謙自稱不德無起寢廟埽地而祭除日祀之法省送終之禮遂藏主于光烈皇后更衣別室天下聞之莫不悽愴陛下至孝烝烝奉順聖德臣愚呂爲更衣在中門之外處所殊別宜尊廟曰顯宗其四時禘祫于光武之堂閒祀悉還更衣共進武德之舞如孝文皇帝祫祭高廟故事後漢章紀有司奏言云云制日可

奏上章帝廟號

孝章皇帝崇弘鴻業、德化普洽、垂意黎民、畱念稼穡、文加殊俗、武暢方表、戒慎人面、無思不服、巍巍蕩蕩、莫與比隆。周頌曰：於穆清廟、肅雍顯相、請上尊廟曰肅宗、共進武德之舞。後漢和帝紀章和二年三月辛酉有

司上奏
制曰可

奏請封郭鎮

鎮冒犯白刃、手劖賊臣、茲黨殄滅、宗廟曰寧、功比劉章、宜顯爵土。召勵忠貞、口口口口口延光中鎮爲尚書迎立濟陰王卒羽林士擊殺衛尉閭景冉遷尚書令三公奏乃封定侯

奏上順帝廟號建康元年九月

孝順皇帝弘秉聖哲、龍興統業、稽乾則古、欽奉鴻烈、寬裕晏晏、宣恩旨極、躬自菲薄、召崇玄默、遺詔貽約、顧念萬國、衣無製新、玩好不飾、瑩陵損狹、不起寢廟、遵履前制、敬敕慎終、有始有卒、孝經曰、

愛敬盡于事親而德教加于百姓詩曰敬慎威儀惟民之則臣請上尊號曰敬宗廟天子世世獻奉藏主祫祭進武德之舞如祖宗

故事

續漢祭祀志下注補引東觀書有司奏言云云露布奏可

奏薦摯恂

恂行侔曾閔學擬仲舒文參長卿才同賈誼誠瑚璉器也宜在宗

廟爲國楨輔

高士傳恂字季直高士峻十二世孫永元中和帝博

求名鑄公卿薦恂公車徵及大將軍賈憲舉賢良並不就

奏請案納后禮儀

桓帝建和元年

春秋迎王后于紀在塗則稱后今大將軍冀女弟膺紹聖善結婚

之際有命既集宜備禮章時進微幣

請下三公太常案禮儀

桓帝

梁皇后紀

奏加梁冀殊禮

入朝不趨劍履上殿謁讚不名禮儀比蕭何悉已定陶陽成餘戶

增封爲四縣比鄧禹賞賜金錢奴婢綵帛車馬衣服甲第比霍光
日殊元勳每朝會與三公絕席十日一人平尙書事宣布天下爲

萬世法

後漢梁冀傳光嘉元年是時有司奏

奏定孝崇皇后喪禮

禮爲人後制服有降公卿已下各差贈送之禮儀比恭懷皇后

後漢紀二十一

元嘉二年

袁宏

奏處正襄楷桓帝時

宦者之官非近世所置漢初張澤爲大謁者佐絳侯誅諸呂孝文使趙談參乘而子孫昌盛楷不正辭理指陳要務而析言破律違背經教假借星宿僞託神靈造合私意誣上罔事請下司隸正楷罪法收送洛陽獄

後漢襄楷傳詔下有司處

奏大后自起立事

伏聞東平國無鹽縣山中有大石無故一夕自起立臣愚曰爲后

者陰類殆有微人當紹起者漢興曷來與今再見其一正召昭帝無繼嗣見今又曰陛下無繼嗣復見

自孔六帖口口引漢名臣奏文當是桓帝末

奏劾蔡邕

光和元年

邕屬張宛長休百日邵假宛五日復屬河南李奇爲書佐邵不爲召太山黨魁羊陟與邕季父衛尉質對門九族質爲尚書營護阿擁令文書不覺邵被詔書考胡

章機引邕

母班等辭與陟爲黨質

及邕頻詣邵問班所及邵不應遂懷怨恨欲必中傷邵

後漢書言蔡邕傳曰與

司徒劉鄧素不相平中常侍程璜遂使人飛章告于邕於是謂下尚書召邕詰狀注引邕集其奏曰云云制曰下同隸校尉正處上

奏除四帝后尊號

和安順桓四帝無功德不宜稱宗又恭懷敬隱恭愍三皇后竝非正嫡不合稱后皆請除尊號制曰可

後漢獻帝紀初平元年有司奏

奏請自立秋擇吉日治兵

建安二十一年三月

古四時講武皆于農隙漢西京承秦制三時不講唯十月都試車

馬幸長水南門會五營士爲八陣進退名曰乘之今金革未偃士民素習自今已後可無四時講武但當立秋擇吉日大朝車騎號

曰治兵上合禮名下承漢制

魏志武帝紀建安二十二年注引
魏書有制奏又見宋書禮志一

歸漢議

漢承堯運麻數延長今皇帝姓號見于圖書自前世博物道術之士谷子雲夏賀良等建明漢有再受命之符言之久矣故劉子駿改易名字冀應其占及莽末道士西門君惠言劉秀當爲天子遂謀立子駿事覺被殺出謂百姓觀者曰劉秀真汝主也皆近事暴著智者所共見也除言天命且召人事論之今稱帝者數人而洛陽土地最廣甲兵最强號令最明觀符命而察人事它姓殆未能當也後漢竇融傳隗囂使辟士張玄游說河西融等于是召豪傑及諸太守計議其中智者皆曰云云遂決策東向

駁梁統重刑議

建武十二年

隆刑峻法非明王急務施行日久豈一朝所釐統今所定不宜開

可。後漢梁統傳統上疏請重刑罰事下三公廷尉議者石爲云云

郊祀帝堯議

光武時

追迹先代無郊其五運之祖者故禹不郊黃帝周不郊帝嚳漢雖唐之苗裔堯曰麻數命舜高祖赤龍火德承運而起當曰高祖配堯之後元復于漢宜曰修奉濟陽城陽縣堯帝之家雲臺致敬祭祀之禮宜亦如之御覽五百二十七引東觀漢記有司奏議

郊宗議

光武時

昔周公郊祀后稷曰配天宗祀文王曰配上帝圖識著伊堯赤帝之子俱與后稷竝受命而爲王漢劉祖令宜郊祀帝堯曰配天宗祀高祖曰配上帝御覽五百二十引東觀漢記

儆備南匈奴議

蠻夷反覆難測知然大兵聚會必未敢動搖今宜遣有方略使者之單于庭與杜崇朱徽及西河太守并力觀其動靜如無它變

可令崇等就安國會其左右大臣責其部眾無橫暴爲邊害者共平罪誅若不從命令爲權時方略事畢之後裁行客賜亦足昌威示百變後漢南匈奴傳永元六年中郎將杜崇與行度遼將軍朱徵上言南單于安國背畔請爲之嚴備和帝下公卿議皆

昌

御史大夫遣郡國計吏敕

御史大夫敕上計丞長史曰詔書殿下布告郡國臣下承宣無狀多不究百姓不蒙恩被化守丞長史到郡與二千石同力爲民興利除害務有昌安之稱詔書郡國有茂才不顯者言上殘民貪污煩擾之吏百姓所苦務勿任用方察不稱者刑罰務于得中惡惡止其身選舉民侈過度務有昌化之間今歲善惡孰與往年對上問今年盜賊孰與往年得無有羣輩大賊對上漢舊儀永樂大典本又引見續漢百官志

敕劉洪

一注

前郎中馮光司徒掾陳晃各訟麻故議郎蔡邕共補續其志令洪
其詣修與漢相參推元謀分考校月食審已巳元密近有師法洪
便從漢受續漢律麻志中光和二年萬年公乘王漢上月食注太
異者二十九事尙書召穀城門侯劉洪較日云云

討羌符

永初二年六月丁未朔廿日丙寅得車騎將軍幕府文書上郡屬
國都尉中二千石守丞廷義縣令三水十月丁未到府受印綬發
夫討叛羌急急如律令馬卅匹驢二百頭日給古刻叢鈔

八能士書版言事狀

臣某言今月若干日甲乙日冬至黃鍾之音調君造得孝道衰
督郵保舉博士板狀

生事愛敬喪沒如禮理易尙書孝經論譜兼崇載籍窮微闡奧師
事某官經明受謝見受門徒尙五十人日上正席謝生三郡三人

隱居樂道不求聞達身無金痍痼疾三十六屬不與妖惡交通王

侯賞賜行應四科經任博士某官某甲保舉

通典曰口口口口當帝時諸博士試用之科

月學上書其板舉注保之

鍾皓頌

林慮懿德非禮不處悅此詩書絃瑟樂古五就州招九膺台輔遠

巡王命卒歲容與

後漢鍾皓傳諸矯頌之

邴原誦

邴君行仁落邑無虎邴君行廉路樹成社

御覽五百三十二引邴原別傳原避地遼東里史子堅

老爲之誦

資中古碑伏羲讚

伏羲蒼精初造工業畫卦結繩呂理海內

史子堅
水經清水注宛城西有
孔嵩舊居嵩字仲山宛
縣名

孔嵩讚

仲山通達卷舒無方屈身斷役挺秀含芳

水經清水注宛城西有
孔嵩舊居嵩字仲山宛
縣名

人與山陽范式有斷金契貧無

養親貧爲阿街卒故其讚曰

鐵印銘

傭力得富錢至億庾一土三田軍門主簿

王子年拾遺記安帝永初時有琅琊王溥卽中

尉王吉之後嘗穿井得鐵印有銘後召一億錢輪官得

中壘校尉三田一土壘字也又引見御覽一百八十九

雙魚洗銘

富貴昌宣侯王元和二年

振本

騶氏鏡銘

騶氏作竟四口服多賀國家人民息口口天下復風雨時節五穀熟長保二親得天力公口東王公西王母

款續十四

尚方鏡銘

尚方作竟真大好上有仙人不知老渴飲玉泉飢食棗浮游天下

隸續十四

尚方作竟四夷服多賀國家人民息肱廩殄滅天下服風雨時節

五穀熟長保二親子孫力傳吉後世樂無極兮

博古圖

李氏鏡銘

李氏作竟佳且好明如日月世之保白虎辟邪主鄉道渴飲玉泉
飮食棗淳由天下不知老本

鏡銘

絜精白而事君怨陰驩之弇明煥玄錫之流澤志疏遠而日忘慎
廉美之窮嗟外丞驩之可欲說慕安于重泉願永思而母紀內請
願自昭明光輝桌夫日月心忽揚而願忠然壅塞而不池

日有臺月有富樂無事常得意美人會竽瑟侍商市程萬物平老
復丁復生蠹

久不見侍前希秋風起予志悲

湛若止水皎如秋日清暉內融菱花外發洞照心膽屏除妖孽永
世作珍服之無殊

尙方御竟大母傷巧工刻之成文章左龍右虎辟不祥朱鳥玄武順陰陽子孫備具居中央凍治銀錫清而明長保二親樂富昌壽倣金石如侯王

許氏作竟自有紀青龍白虎居左右聖人周公魯孔子作吏高遷車生耳郡舉孝廉州博士少不努力老乃悔吉

天地成日月明五嶽靈四瀆清十二精八卦貞富貴盈子孫寧皆賢英福祿并已上並
斯本

梁商誄

孰云忠侯不聞其音背去國家都茲玄陰幽居冥冥靡所且窮口東
觀漢記

賜進士出身二品銜廣東等處提刑按察使司按察使兼管驛傳事務黃岡王毓濱校刊

全後漢文卷九十七終

全後漢文卷九十七

闕名

十一

全後漢文卷九十八

烏程嚴可均校輯

闕名二

蜀郡太守何君閭道碑

蜀郡太守平陵何君遭掾臨功舒鮪將徒治道造尊楗閣袤五十
丈用功千一百九十八日建武中元二年六月就道史任雲陳
春主隸釋四云莽漢之際習俗相尚召卽位初元冠于新暦之上
故此碑有建武中元之文東夷薄云建武中元二年倭奴國
奉貢

鄒君閭寢斜道摩崖刻石

永平九年

永平六年漢中郡目詔書受廣漢蜀郡巴郡徒二千六百九十一人
開通寢余道太守鉅鹿鄒君部掾治級王宏史荀茂張宇韓岑弟
典功作太守丞廣漢楊顯將領用始作橋格六百卅三間大橋五
爲道二百五十八里郵亭驛置徒司空襄中縣官寺并六十四所

凡用功七十六萬六千八百餘人。瓦卅六萬九千八百四器。用錢
百四十九萬九千四百餘斛。粟九年四月成就。益州東至京師去

就安隱。

碑折本又宋晏表律文

宋

鄆縣摩崖刻石

永元六年

攻此石省三處閣直錢萬二千。永元六年

古刻
叢鈔

嘉州夾江縣摩崖

平鄉明亭大道北與茂陵西與青衣越巂通界。回曲危險扶風王
君爲民興利除害。遺掾何章脩治。故書崖已頌之。

隸釋四羊賓道
跋云又有摩崖

四百餘字云云
和帝永元八年也

南安長王君平鄉道碑

永元八年四月十日

維平鄉明高大道北與武陽西與蜀郡青衣越巂通界。關制中涪

山上隨沿回凹。山凹危難。經隨險登高望天。車馬不通。

二水
闕
央
字

周古古

莫能自
闕
二字
雖
有

崖易之遭

闕

不進勝崖橫道臨大江

闕

二

闕

危

闕

四

闕

或墮不

闕

陷

闕

崖

闕

復爲民害永元七季十月南安長右扶風

闕

倉王君

闕

民興利

闕

除周遺豫何童史造興與有秩

闕

造家

闕

曰民力

闕

崖平雖及泊

闕

潭山

闕

格通達平直廣大造

闕

長及瞬

闕

灰賊盜區止車馬馳驅

無所畏雖商市

闕

四

闕

平

闕

六

闕

百姓如願開

闕

采石今

闕

二

闕

刻石之

功恩及子孫去危就安萬世無患永永無窮

闕

後曰

闕

八

闕

豫稿義

尉曹史任政楊莫丞汁邡王卿江元尉縣竹楊卿掾楊弘主泊山

闕

史

闕

易子

闕

永元八年四月十日兼戶曹掾何童史造興造書崖

陳朱仲王回左

闕

大

闕

三

闕

吳皆富昌

闕

明下立

闕

四

闕

驍孝

闕

字

王前南長

闕

方主

隸續

祀三公山碑

元初四年

元初四年常山相龍勵馮君到官承饑衰歿後口惟三公御語山
三條別神迥在領勵吏民禱祀興雲膚才偏雨四維遭離羌寇蝗

旱鬲我民流道荒。醮祠希罕。口奠不行。由是之來。和氣充臻。乃來
道要。本祖其原。㠯三公惠廣。其靈尤神。處幽道艱。存亡者難卜。擇
吉口治東就衡山。起堂立壇。雙闕夾門。薦牲納禮。㠯寧其祿神。嘉
其位。甘雨屢降。報如景響。國界大豐。穀斗三錢。民無疾苦。永保其
季。長史魯國顏琰。五官掾閻祐。戶曹史紀受。將作掾王簿。元氏令
茅匡。丞吳音。廷掾郭洪。戶曹史翟福。工宋高等。刊石紀焉。碑本

嵩嶽太室石闕銘

元初五年四月

惟中嶽口口崇高神君。冢土口口岱氣最純。春生萬物。膚寸起雲。
潤施源流。洪濛沛宣。竝天四海。莫不蒙恩。聖朝肅敬。眾庶所尊。齋
試奉祀。戰慄盡懃。㠯頌功德。刻石紀文。垂顯口口。㠯傳後賢。元初
碑本五年四月。陽城口長左馮翔。萬年呂常始造。作此石闕。

青衣尉趙孟麟羊寶道碑

永元十一年九月

羊闔道舊故。南上高山。下人入深谷。危駿回遠。百姓患苦。

永初六年

年青衣尉南安趙孟麟更易由此道濱江平澤無盜賊差近廿里騎馬僨負水弱得過除去危難行人萬姓莫不蒙恩傳于無究乎維世青衣尉趙君故治所書佐郡督郵隨牒除到間六日郡召守

蜀鐵商長積四月治狀亦明徙守成都今復還歸尉向羊寶故道高危君雯字崖易道盜賊微止老弱往來無患時興典主通道者積糴故吏梁汜捕盜賊王畱百姓過者皆蒙恩君延壽萬年

書此感巨永元十一月九日造

隸釋四案羊寶故道和帝永元年造至安帝永初六年改修

漢安長陳君閣道碑

永建五年孟春下旬漢安長蜀郡青衣陳君到官闕五字約垂意惠民施無爲之政行不言之教德化深行盜賊闕少五穀豐茂百姓晏然各得其所君思所臥利民大小悉備屯道本有根閣二百餘丈闕三字穿陷壞絕車馬疆頓常臥農時發民闕治歲歲造叟直出餘萬君躬自案行叱眇思省去根閣今就土著長無勞費爲萬

世基百姓行人驩悅歌詠却亭掾尹瘳闕二字臣有述君之義故勒此石以示後賢其辭曰

惟此故道險阻危難根閣捩闕二字臨江緣凶秋雨水水潦闕二字陷宵車馬疆頓脩隧隕顛行旅創苦發賦加民乃至于今遭我陳君舍遺施德蹈義履仁治合中和化行若神清過夷齊行同晏孺闕二字百姓安率下非禮不言思惟儉約所臥利民追哺闕二字飯露宿草闕二字百姓安樂不勞不煩又省此閭就乎平便民無經賦行人離患時丞馮卿廉約勤勤好施樂闕二字欽承奉宣掾史遵憲各建忠闕二字咸闕二字百福子孫孫時道橋掾董闕二字十五

國三老袁良碑

永建六年二月

君諱良字厚卿陳國扶樂人也厥先舞翟世爲封君周之興處關父典陶正嗣滿爲陳侯至玄孫濬塗初氏父字立姓曰袁魯僖公四季爲大夫哀十一季頤伯司徒其末或適齊歿而袁生闕二字獨畱陳

當秦之亂，隱居河洛。高祖破項，實從其冉。天下既定，還宅扶樂。孝
武征和三季，生曾孫幹，斬賊公先勇。拜黃門郎，封關內侯。食遺繩
六百戶。後錫金紫，憲脩城之範。幹薨，子經嗣。經薨，子山嗣。傳國三
世，至王巽。而劉君卽山之曾孫，續神廟之洪族，資天憲之清嗣。憲
綜易詩，而說禮樂。舉孝廉，郎中謁者將作大匠。丞相令廣陵太守
討江賊，張路等威震徐方。謝病歸家，孝順初政容闕二。白三府舉
君徵拜議郎，符節令。時元子光博平令，中子騰，尚書郎。少子璋，謁
者。詔書辟闕二，可父事羣司。以君父子俱列三臺，夫人結髮上爲
三老，使闕二者節安車親闕二。凡杖之尊，祖割之養。君實饗之後，拜梁
相。帝御九龍殿，引君對覲。與酒飯，賜飲宴。冊曰：頃者逆遇運害，災
條備至。陰陽不和，寒暑不節。昔孔子制義，承奉制有興、滅之福。
憲期郎致來咎之變，朕以妙身襲繼業。二九之戒，今直其際。圖
記占闕，恒在藩國。自先帝至德，猶有七國之謀。蓋治世者不諱其

難朕追體社稷之重恐有交會諸國主侯開導以驕滿之漸令姦
邪因緣生恩相呂顯選簡練內升督掌符竟惠據域民故連拔授
不問勅次典郡職重親執經緯隱括在手往者主尊發縱於平陽
清約藩輔其節衍然忠臣之義有獻請矣去否其加精微瀾切防
幽朕疚心以戒今特賜錢十萬雜繪世匹壬午寶劍佩書刀繡文
印衣繖極手巾各一往悉虧心勉密協同便宜數上君子曰優歎
之寵於斯盛矣宰縣治郡無民不思載八十五久病致仕永建六
季二月戊辰卒居臥室廬殯旁假館督行父平仲小國之卿其倫
猷稱況漢大夫父子同升而轡環堵不遭金闈實錄之時使前喆
孤名而君獨立於是厥孫衛尉滴司徒掾弘闕齒刊石作銘其辭
曰

飛清邈紛其屢跨高函山鋪雲際佑帝父振淫濶登攀龍眺天坐
酌不揮凱以邁民被澤焜熾又大本惠曜其燭闕煌煌數萬世擇

洛陽上東門橋右石柱銘

陽嘉四年乙酉壬申詔書曰城下漕渠東通河濟南引江淮方貢
委輸所由而至使中謁者魏郡清淵馬憲監作石橋梁柱敦敕工
匠盡要妙之巧攢立重石累高周距橋工路博流通萬里云云河
南尹邳崇隗丞渤海重合雙福水曹掾中牟任昉史王蔭史趙興
將作吏睢陽申翔道橋掾成皋卑國洛陽令江雙丞平陽降監掾
王騰之主后作右北平山仲三月起作八月畢成水經載
水注

敦煌太守裴岑碑

永和二年八月

惟漢永和二年八月敦煌太守雲中裴岑將郡兵三千人誅呼衍
王等斬馘部眾克敵全師除西域之灰燼四郡之害邊竟乂安振
威到此立海祠呂表萬世碑

漢故益州太守北海相景君銘

漢安二年

惟漢安二年仲秋口口故北海任城景府君卒歟欷哀哉國口口
寶英彥失疇列宿虧精晚學後時于何穹蒼布命授期有生有死
天寶爲之豈夫仁哲妝勉不遺於是故吏諸生相與論曰上世羣
后莫不流光口吟無窮垂燭耀吟書篇身歿而行明體亡而名存
或著形像吟列圖或謨頌吟營繩後來詠其烈竹帛敍其勳乃作
謡曰

伏惟明府受質自天孝弟淵懿帥禮蹈仁相道核誠抱淑守真晶
自清方躬已治身寶潔實剛乃武乃文遵孝孝識假階司農流惠
元城興利惠民強衛改節澈弱蒙恩威立澤宣化行如神帝嘉厥
功授呂符命守郡益帆路遐邇親躬自遜讓夙宵朝廷建英忠讐
辨秩東衍璽追嘉錫據北海相部城十九邦邦歸向分明好恩先
呂敬讓殘偽易心輕黠踰竟鴻巢不鳴分子還養元元鱗寡蒙佑
呂寧舊道脩惠日祉昌榮紛紛令儀明府體之仁義道術明府膺

之黃朱邵父明府三之台輔之任明府宣之日病被徵委位致仕
民志思慕遠近搔首農夫驛乘商人空市隨輶飲泣奈何朝廷奪
我慈父去官未旬病乃困危珪璧之質臨卒不回歎歎震絕奄忽
不追孝子慟惻顛倒剝搘遂不勉寐永潛長歸州里鄉黨嗚涕歔
哀故吏忻怛欷歔低徊四海冠蓋驚惶傷襄大命所期實惟天授
明王設位明府不就臣子欲養明府弗畱歔歔哀哉

爾曰孝積幽穸表至口兮口口口翔議餽兮再命席將綏元元
子焜熒架謨主忠信兮羽衛藩屏撫萬民兮口口口恩彌威兮
宜鼎輔兮豎幹楨兮不永靡壽棄臣子兮仁敷海外著甘棠兮
口石勒銘口不亡兮碑拓本又見
隸讀十四

北海相景君碑陰

豎建廟后惟故臣吏慎終追遠諒闇沈思守衛墳園仁紳禮備陵
成宇立樹列旣就聖典有制三載已究當離墓側永懷靡既文不

可勝、呂義割志乃著遺辭。呂明厥意，魂靈瑕顯，降垂嘉祐。碑搨本
隸續上

蔡攜碑

攜字叔業，有周之胄。昔蔡叔沒，成王命其子仲使踐諸侯之位。呂國氏姓，君其後也。君曾祖父勲，哀帝時曰孝廉，爲長安部長。及君之身，增修厥德。順帝時，曰司空，高第遷新蔡長。年七十九卒。長子棱，字伯直，處俗孤黨，不協于時，垂翼華髮，人爵不升。年五十二卒。謚法曰：清白守節曰貞，純行不差曰定。後漢蔡邕傳注引邕祖搢碑云云

道父碑今此卽邕

撰否不能定之

敦煌長史武班碑

建和元年大歲在丁亥二月辛巳朔廿三日癸卯，長史同口口口口口口口口。敦煌長史武君諱班，字宣張。昔殷王武丁克伐鬼方，元功章炳，勳減王府。官族分析，因呂爲氏焉。武氏蓋其後也。商周假蘋歷世，擴遠不墮其美。漢興以來，爵位相踵。口朝忠臣，君幼門

顏閔之懋質長敷梓夏之文學慈惠寬口孝友玄妙苞羅術藝貫
洞聖口博兼口口耽綜典籍口思口純求福不回清聲美行闡形
遠近州郡貪其高賢口少請召口口歲舉口翼紫宮口口詔除光
顯王室有口干國帝庸嘉之掌司古口領校祕鄭研口幽微追昔
劉向辨賈之辯比口萬矣時戎口口匡正一口口朝廷惟憂口口
有司口口舉君班到官之日口口痼吏土嗟虎之怒薄伐口口口口
口口口口並百姓賴之邦域旣寧久勞于外當還本朝召敘左
右目永嘉元年口月口日遭疾不口哀哉于是金鄉長河閒高陽
史恢等追惟昔日同歲郎署咸召爲自古在昔先聖與仁口口興
替口口人存生榮死哀是爲萬年伊君遺德口孔之珎故口石銘
碑召旌德焉其辭曰

於惟武君允德允恭受天休命積祉所鍾其在孩提岐嶷發蹤謙
口守約唯詣是從孝深凱風志絜羔羊樂是口口恬此策光孳孳

臨川觸見口牆庶仰箕首微妙玄通口然清邈口口口口口升
口爲帝股肱扶助大和萬民適蒙顯宗口口史官書功昊天上帝
降茲鞠凶晚忽徂逝口口口宦不享耆耆大命口口百遼惟口后
帝感傷學夫喪師士女悽愴旌表金石令問不忘垂口後昆億載
欵誦碑本

武氏石闕銘

建和元年三月

建和元年大歲在丁亥三月庚戌朔四日癸丑孝子武始公弟綏
宗景興開明使后工孟孚季弟卯造此闕直錢十五萬孫宗作師
子直四萬開明子宣張仕濟陰年廿五曹府君察舉孝廉除敦煌
長史被病夭沒苗秀不遂嗚呼哀哉士女憇傷碑本

司隸校尉楊孟文后門頌

建和二年十一月

惟以靈定位川澤股躬澤有所注川有所通余旨之川其澤南隆
八方所達益誠爲充高祖受命興於漢中道由子午出殽入秦建

定帝位。臥漢詆焉。後臥子午。望趨嵒難。更隨圍台。復通堂光。凡此四道。核高尤艱。至永平。其有四年。詔書開余繫通石門。中遭元二。西夷雪殘。橋梁斷絕。子午復脩。上則縣峻。屈曲深頸。下則入冥。顧寫輪淵。平阿涼泥。常陰鮮晏。木石相距。利磨砌路。臨危槍梯。履尾心寒。空輿輕騎。遼昇弗前。憇虫帶狩。蛇蛭毒蠍。末秋截霜。稼苗天殘。終年不登。匱饑之患。卑者楚憲。尊者弗安。愁苦之難。焉可具言。於是明知故司隸校尉楗爲武陽揚君厥字孟文。深執忠伉。數上奏請。有司議駁。君遂執爭。百僚咸從。帝用是聽廢子由斯。得其度經功飭。爾要敞而晏平。清涼調和。烝烝文宦。至建和二年仲冬。上旬。漢中太守楗爲武陽王升字稚紀。涉歷山道。推序本原。嘉君明知。美其仁賢。勒石頌德。臥明厥勲。其辭曰。

君德明二炳煥彌光。剗過拾遺。厲清八荒。奉魁承杓。綏億衡彊。春宣聖日。秋貶若霜。無偏蕩二真雅。臥方、寧靜。蒸庶政與。乾通輔主。

匡君脩禮有常咸曉地理知世紀綱言必忠義匪后厥章恢弘大
節讜而益明揆往卓今謀合朝情醉艱卽安有勳有榮禹鑿龍門
君其繼縱上順什_斗極下答_比皇自南自北四海攸通君子安樂
庶士悅雍商人咸懷農夫永同春秋記異今而紀功垂_濟億載世
_二嘆誦序曰明哉仁知豫識難易原度天道安危所歸勤_二竭誠
榮名休麗

五官掾南鄭趙邵字季南屬襄中量漢彊字產伯書佐西成王戎
字文寶主

王府君閔苦道閔難分置六部道擣特遣行丞事西成輔服字顯
公都督掾南鄭巍整字伯玉後遣趙誦字公梁案察中贊卓行造
作石蘗萬世之基或解高格下就平易行者欣然焉伯玉卽日從
署行丞事守安陽長隸釋四

廣漢長王君治石路碑建和三年冬

表惟右部官國之珍寶，衝路危險，俠石脣岩，闕道人馬闕行爲民
障害，歷世彌久，靡有留心。長廣漢王君建和二年冬任掾楊闕攻

治破壞，又從渝口繇平闕字井間道至別鹽得去危就安，功夫

九百餘日成就，通達永傳，億歲無窮。記弟子楊子欽奉爲作闕定

遠闕六造闕釋四案碑文蓋揚

字子欽所作也子欽無攷

漳河神壇碑

河內脩武縣張導字景明，自建和三年爲鉅鹿太守。漳津汎濫，土不稼穡。導披按地圖，與丞彭參據馬道嵩等原其逆順，揆其表裏，脩防排通，自正水路，功績有成。民用嘉賴。水經濁漳水注

張公神碑

和平元年

惟和平元年正月，闕二朝歌長鄭拂造，闕張公建，闕良之山運置，闕陽刊，闕添摩立左右，闕表神道，闕暨碑廟堂之前。到五月，闕乃成。長闕二之銘勒神懿光，秘後昆，其辭曰：

於穆張公。含和泰清。受符皇極。乾剛川靈。何天之休。元亨利貞。無
字闕二貴神燿。洞闕一度闕二泉殷商北堦。懲朝基陽。厥士敝平。芝草
茂木。瀟瀟滋榮。羣萌勸然。激川通闕三懷闕八廟。克儉損盈。詔命
有司。祭火中牲。歲聿再慶。公其饗零。興來億載。歷數萬君。闕七太
字闕二顯猶昭拂。英勲闕錫介福。惠此吏民。國無灾害。屢獲豐年。皇
帝眉壽。千祿于天。牧守皆升。握台輔。辰長與丞尉。超遷相因。休
烈烈無闕三字。臨犧陽。營謁者李君。畏敬公靈。好鄭長文。徹奉佐工。
烟幅慇勤。闕吏闕三嘉且惶作歌九章。達李君闕頌公德芳。其辭
曰。

禁水湯湯。揚清波。東流闕折闕于河。闕五朝歌縣。叭梁靜無穢瑕。
公闕守相駕。蜚魚往來。悠忽遂嘉。娛祐此兆民。寃厥居。出自禁
字闕四松柏鬱茂蘭。公闕二神往來。乘浮雲。種德收福惠。斯民家饒
戶富無闕貧。邑界家靜和睦。闕朝歌蕩陰及犧陽。三女所處各殊

方三門鼎列推其鄉時攜甥弟歸候公夫人

闕三字

容闕

闕五字

饗闕

鵠闕

穆風屑兮起壇旁樂吏民兮永未央

鹿鳴

闕二字

庭闕

文樂

樂闕

鵠闕

分闕三字飲清泉兮

闕三字

見闕

伏兮不駭驚惟公德兮之所靈

上陵

廟闕

上陵闕

廟兮助三牲天時和兮甘露洽日普

闕二字

無虧傾

闕二字

裴闕

朱鳥

鵠闕

棲闕二字榮兮鳴喈喈戴鵠劬兮乳徘徊給御卯兮獻于西惟公德

分之所懷

池水闕二字兮釣臺梁四角樓兮臨深澗魚岌岌兮踊躍

栗蓆

見闕

振鱗尾兮游旰旰

時釣取兮給亨獻惟公德兮之所衍

廿兮葉鋪陳新美萌兮香苾芬蕙草生兮滿園田競苦茗兮給萬

闕二字

錢惟公德兮之所

闕二字

門堂鬱兮文耀光

公神赫兮坐東方明

暴視兮儀印印

夫人闕二字女兮列在旁陳君處北兮從官

闕二字

車騎駱驛

視兮儀印印

夫人闕二字

女兮列在旁

陳君處北兮從官闕二字

分交錯重乘輶輶兮駕蜚龍驂白鹿兮從仙僅游北嶽兮與天通

立碑既立雙闕建兮

闕四字

大路畔兮亭長闕

二二字

扞難兮列種

立碑既立雙闕建兮闕二字

槐梓方茂爛兮天下遠近闕不見兮公神日著聲洞徧兮

乾字

乾字

乾字

乾字

乾字

乾字

《傳億萬兮監犁陽營謁者豫章南昌李朝伯丞左馮翊夏陽趙

寵德雅朝歌長穎川陽城鄭郴伯林左尉京兆

闕下

水口口陽里

郭虞子

闕下

扶風安陵口口邵公處士巍郡口封仲舉處士巍郡

犁陽口

口口

長鄉郴撰郴字伯林穎州陽城人後半歌九章無

吏撰

名氏

嚴訢碑

和平元年

惟漢中興卯金休烈和平元年歲治東宮星屬角房月建朱鳥中
呂之均萬物慈躬華澤青慈蚊行蠕動咸守厥常人物同授獨遭
灾霜顛賓退徂落壽不寬弘經設三命君獲其央年六十有九禮
勝蚤天咨嗟痛兮嗚呼悲傷故著名諱諱字增嘆欷歔發噴憤授美
筆舒慮曠喟其辭曰伊嘆嚴君諱訢字少通兆自楚狂祖孝相承
招命道術治嚴氏春秋馮君章句眾善淵闕靡不闕覽君體性慈
仁常容闕忠公清白好善博愛有文有武闕二兼備秀焉郡掾

史會稽諸暨尉守焉程毗陵餘暨章安山陰長吟疾去官後爲丹
陽陵陽丞守春殿長舉廉遷東牟兵相作下郡視長典牧十城所
在若神宣布政聲闕二字甘棠貧細隨附賢士敬名行旅歌謡猶慎
於所闕五字鄭寔與相似恩澤奐暢闕五字名臧文威如晦虎仙南俗
關德配以劉闕三字宣爲二闕四字風闕五字至今不滅幸闕十字何億掩忽
摧藏闕六字於是宮闕七字送君莫不悲哀舒氣喧闕八字後宮貴人上
闕二君闕九字魂闕四字農夫乘婦闕十字嘆欷闕二字人僅優闕三字目
字哀闕二字嗟君闕四字云斯闕五字身甘復闕五字次子闕三字昔先
子女斯闕三字有命不可追畱嗚呼哀哉闕三字何棠所宰寤十城布化
垂光明功名休赫威巍難蔽障今歌吟道闕三字甘棠君不享黃耆
壽賓沒疆闕五字且于中嶽玄照洞倉弘高顯闕五字刻畫文勝堂
列種諸奇樹窮何禍靈魂寂有却福祚猶子闕

賜進士出身二品銜廣東等處提刑按察使司按察使兼管驛傳事務黃岡王毓藻校刊

金後漢文卷九十八終

全後漢文卷九十九

烏程嚴可均校輯

關名

三

從事武梁碑

元嘉元年七月

故從事武掾，掾諱梁，字綏。宗掾體德忠孝，岐嶷有異。治韓詩經，闕牘傳講，兼通荊雒諸子傳記。廣學甄徹，窮綜典口，靡不口覽。州郡請召，辭疾不就。安衡門之陋，樂朝聞之義。誨人呂道，臨川不倦。恥世雷同，不闢權門。年踰從心，執節抱介。終始不貳，彌彌蓋固。大位不濟，爲眾所傷。年七十四。元嘉元年季夏三日，遭疾隕靈。烏虞哀哉。孝子仲章、季章、季立，孝孫子儼、躬脩子道，竭家所有，選擇名石，南山之陽，擢取妙好，色無斑黃。前設礎俎，後建祠堂。良匠衛改，雕文刻畫，羅列成行。攬聘技巧，委蛇有章，垂示後嗣，萬世不忘。其辭曰：

懿德玄通幽召明兮隱居靖處休曜章兮樂道忽榮垂蘭芳兮身
沼名存口口口口

六
隸釋

武梁祠堂畫像

伏戲倉精初造工業畫卦結繩已理海內

祝誦氏無所造爲未有耆欲刑罰未施

神農氏曰宜教田辟土種穀已振萬民

黃帝多所改作造兵

闕三字

裳立宮室

姑姊其室失火取兒子往輒得其子赴火如亡示其誠也

曾子

闕二字

孝已通神明貴感

闕二字

祇若乎朱方後世凱式

闕二字

無綱

綱

老萊子楚人也事親至孝衣服斑連嬰兒之態令親有驟君子嘉

之孝道大焉

丁蘭二親終後立木爲父鄰人假物鄰乃借與

郎中王政碑

元嘉三年正月

君諱政字季酬漢中大守之孫從事掾之第三子也姿履

闕二

貌

之操愛敬昌事生哀感昌送終奉

闕三

歐陽尚書

闕

研典貴侃

闕上

闕四

童冠聿集

闕

承義方

闕十

郡端右州辟從事

闕二

衛上

先公

闕二

有羔羊之絜羣申棠之欲

闕

不營己好是正直仰不

闕六

開

卓守防東長威

闕

雙行帥下昌儉決訟

闕

開民廢

闕二

淫佚革弭

閣里

闕二

風化宣流家

闕二

施舉孝廉除郎中三署馳名見者宗

闕當豐人爵登彼

闕二

神命

闕四

罕脩仁不

闕

卒從氣暴年五

十昌元嘉三年春正月戊寅

闕三

既歿而不

闕

于是門徒士夫

闕

君

闕二

咸有

闕

乃相與立石表行昌

闕

後

闕其解曰

於

闕

明君

闕

方白時言樂嗟由徑不曲

闕

職在公事君謇諤退

食齧私透她允

闕

仁慈

闕三

讓忘

闕二

清絜已惟德之宅有嘉厥

聲令問孔頤養

闕

俟

闕四

夕階

闕六

昌勒銘

闕

昭厥德

闕

篇

孔廟置百石卒史孔龢碑

永興元年

司徒臣雄司空臣戎稽首言。魯前相瑛書言。詔書崇聖道勉闕裁。
孔子作春秋制孝經闕二字五經演易繫辭。經緯天地。幽讚神明。故
特立廟褒成侯。四時來祠。事已卽去。廟有禮器。無常人掌領。請置
百石卒史一人。典主守廟春秋饗禮財出玉家錢給大酒奠須報。
謹問大常祠。曹操馮牟史郭玄辭對。故事辟雍禮未行。祠先聖師。
侍祠者孔子子孫。大宰夫祝令各一人。皆備爵大常丞。臨祠河南
尹給牛羊豕雞闕二字各一大司農給米祠臣愚以爲如瑛言。孔子
大聖。則象乾以爲漢制。作先世所尊祠用眾牲長吏備闕二字欲加
寵子孫。敬恭廟祀傳于罔極。可許臣請。魯相爲孔子廟置百石卒
史一人。掌領禮器。出王家錢給大酒奠。他如故事。臣雄臣戎愚憇
誠惶誠恐頓首頓首死罪死罪臣稽首以聞。制曰可。元嘉三年三
月廿七日壬寅奏。雒陽宮司徒公河南原武吳雄字季高。司空公

蜀郡成都趙戒字意伯

元嘉三年三月丙子朔廿七日壬寅司徒確司空戒下魯相承書從事下當用者選其年冊叭上經通一蓺雜試通利能奉弘先聖之禮爲宗所歸者如詔書書到言永興元年六月甲辰朔十八日辛酉魯相平行長史事下守長擅叩頭死罪敢言之司徒司空麻壬寅詔書爲孔子廟置百石卒史一人掌主禮器選卒冊叭上經通一蓺雜試能奉弘先聖之禮爲宗所歸者平叩頭叩頭死罪死罪謹案文書守文學掾魯孔龢師孔憲戶曹史孔覽等雜試龢恪春秋嚴氏經通高第事親至孝能奉先聖之禮爲宗所歸除龢補名狀如牒平惶恐叩頭死罪死罪上司空府讚曰

巍巍大聖扶扶彌章相乙瑛字少卿平原高唐人令鮑疊字老子生于曲澗間水經陰溝水注北澗水之側有李母碑是永興元年謙合長沙王阜所立碑云宛令李孟初神祠碑永興二年六月

故宛令益州刺史南郡襄陽李

下

字孟初神祠之碑

口口舉孝廉除補郎中遷

下

史卒官口故吏民追思德化

下

更訊

治立碑復祠

下

闕垣宇樹木皆不

下

中大人共案文

口口口口口口口

下

文

關永興二年六月己亥朔十日口

下

宛令

下

闕部勸農賊捕

據李龍南

下

游闕屋有守祠義民今聽復無

下

時令琅琊開陽貴君諱咸

口口口口口口口口伯

下

河南雒陽虞衍字元博口口口

口口口口口口仲興

下

口口口口功曹史口口伯口口口

口口口口口口口口口口口口

下

時

書夫劉俊叔艾佐

下

戶口口口口伯口吏佐口元舉口口口口時

賊捕掾李龍升

下

高口口口京口甫

下

口口口口供功曹史左治

口口口口時亭長張河曼海口白唐譚伯祖

下

闕碑

永興二年七月

孔謙碑

孔謙字德讓者宣尼公廿世孫槐尉君之子也秀體闡石自然之姿長膺清妙孝友之行贊述家業脩春秋經升堂講誦淡究聖指

弱冠而仕歷郡諸曹史。季廿四。永興二年七月。遭疾不祿。

葬釋
永壽二年

魯相韓叔造孔廟禮器碑

惟永壽二年青龍在涒歎霜月之靈皇極之日魯相河南京韓君追惟太古華胥生皇雄顏口育孔寶俱制元道百王不改孔子近聖爲漢定道自天王以下至于初學莫不驩思嘆仰師鏡顏氏聖畧家居魯親里并官聖妃左安樂里聖族之親禮所宜異復顏氏并官氏邑中繇發叹尊孔心念聖歷世禮樂陵遲秦項作亂不尊圖書倍道畔德離敗聖輿食糧亡于沙丘君於是造立禮器樂之音符鐘磬瑟鼓雷洗觴觚爵鹿俎桓籩禁壇修飾宅廟更作二輿朝車威熹宣抒元汗吹注水添法醫不煩備而不奢上合紫臺稽之中和下合聖制事得禮儀于是四方士仁聞君風燭敬味其德尊琦大人之意遑彊之思乃共立表石紀傳億載其文曰皇號統華昌承天畫卦顏育空桑孔制元孝俱祖紫宮大一所授前闔

九頭吠升言敎後制百王獲麟來吐制不空作承天之語乾元吠
來三九之載八皇三代至孔乃備聖人不世期五百載三陽吐圖
二陰出識制化之義吠俟知奧於穆韓君獨見天意復聖二族遑
趨絕思脩造禮樂胡鼙器用存古舊宇懲懃宅廟朝車威熹出誠
造口涑不水解工丕畢賈深除元汗水通四注禮器升堂天雨降
澍百姓訢和舉國蒙慶神靈祐誠竭敬之報天與厥福永享牟壽
上極華紫旁伎皇代刊石表銘與軌運耀長期蕩蕩於咸復授赫
赫罔窮聲垂億載

隸釋

吉成侯州輔碑 永壽二年十二月丙子

字輔字世于炎君卿衛特召大明敏達拜

小黃門還事和熹后孝安帝安思皇后時爲大宮令孝順皇帝踐
祚之關復弘拜小黃門遷減府令當拜中常侍讓與同郡騎任後
昌病孫位起家復拜謁者令中尚方關遷中常侍遭順帝棄天下

扶佐孝沖孝質帝兼領黃門令順烈皇后攝政。呂君舊關拜長樂
大僕，遭孝質無嗣，乃定珊瑚帷幕，援立聖主，有安社稷之勳。建和二
年七月己巳詔冊曰：蓋聞春秋之關采毫毛之善，大漢典制有恩。
關澤之封輔歷世守省恪恭位著建立之際處乎左右常伯之職同
協意關亮天功往者鄭眾蔡倫行事科比其封輔爲葉吉成矣。
和平中君復轉拜大長秋兼關侍之位括統前後明先帝法令
曉舊章之事周密淑慎奉已守度在寵弗盈能自挹損關日隆
持之益懼每所興領威禁不犯遠惡辟害不離艱難所謂摩而不
羈涅而不繙者關朝廷禮之。呂君耆老有杖之賜年六十有二
永壽二年十二月丙子薨中外容悼贈關等昔營蘇之尹楚關
直見疏死記其關張卿之在漢關季布之關呂安高后論德比隆
君實關於是鄉人姻族乃相與刊石樹碑昭宣令問其辭曰
威德之休實生君侯天授厥美忠貞關退翼軒關達關華樞六

帝四后是答是諏錫巨寵衣紫文兼紵幹國棟家昌光昌舒後閼二寧禮閼四人誰閼泥或貴不濡閼君守固終始不渝旌之萬祀顯耀永譽蘇程十七案水經澧水注有漢中當侍長樂太僕吉成侯州苞碑云六帝四后是諸侯之誠延熹元年四月郎中鄭固碑

君諱固字伯堅晉君元子也舍中和之淑質履上仁閼三孝友著乎閨門至行立乎鄉黨初受業於歐陽遂窮究考典藉膺游夏之文學襄冉季之政事弱冠仕郡吏諸曹掾史主簿督郵五官掾功曹入則腹心出則爪牙忠昌衛上清昌自脩化顏寒懷造膝危辭加昌好成方類推賢達善遂遁退讓當世昌此服之邦后珍璋昌爲儲舉先屈計掾奉戎閼貢清眇冠乎羣彥惠能簡乎聖心延熹元年二月十九日詔拜郎中非其好也昌疾銅辭未滿期限從其本規乃遘凶愍年卅二其四月廿四日遭命隕身痛如之何先是君大男孟子有揚烏之才善性形於岐嶷閼二見於巒眊年七歲

而友大君夫人所共哀也。故建廟其墳，配食斯壇。自慰考妣之心，
琦培延昌爲至惡不紀。則鍾鼎奚銘。告征武弟述其兄綜四
字行於茂陋，默昂敢忘。乃刊石昌旌，遺芳其辭曰。

於惟郎中實天生德頤親誨弟，安恭竭力敦戎義方導我禮則傳。
宣孔業，作世模式。從政事上忠昌自劭，貢計王庭華夏歸服。帝用
嘉之，顯拜殊特。將從雅意，色斯自得。乃遭氛災，隕命顚沛。家失所
怙，國闕忠直。俯哭誰訴，叩噭焉告。嗟嗟孟子，苗而弗毓。奉我元兄，
脩孝罔極。魂而有靈，亦歆斯勒。隸釋

丹陽太守郭旻碑

延嘉元年十一月

君諱旻，字巨公。有周之裔，闕七之穆。爲文王卿士，子孫闕二君尊
天休。闕二明德矜闕六之溫良慈恕。義昌將之厥闕二爲不可測。
開加昌體，明道術。闕五律小杜，洪纖威舉。弊闕當闕二然獨闕一少
仕州郡，宣著嘉名。察孝廉除郎中，謁者使監南甄官。闕二翔聲省

其傷疾

瘞完命已免

閼五字

數遷敬陵園令廷尉左平治書

侍御史獄刑

隸頗圖高如廬

閼六字

呂父憂去官還拜郎中侍御史遭母

憂服除復拜郎中

治書侍御史彌絳褒

閼四字

弱遷冀州刺史

閼七字

明否萬里

佗孚九郡咸寧河朔凱豫徵拜尚書

閼三字

命國之喉

躬親功顯

朝異焉是時淮夷蠢逆商曇官綏蕭書廢鹽俾守丹

揚

閼七字荒治亂召攜懷遠齊逸俗通聖化勑民用康移風易

閼八字爲政

四年呂公事去官復稱玄默惟莫反初

丰過耳順寢疾痏積延熹

元丰十月戊戌卒

其十二月丙申葬微言絕矣諸子曷仰三載禮

闋迺羣相與刻石勒銘

閼二字昭所

閼二字

辭曰

吟休我師

恂恂郭君既明且謐耽此憲

閼三字

孝睦觀國用

閼二字

惟左

閼三字易輸勤讚理玄師獄隸放紛三典執

字王人柔遐能邇官

閼三字

亮

閼三字

蛇機夙夜帷幕猶蠻幃波用綏海濱

閼二字

緝訛

閼三字

神功遂身沒

閼三字

運光暉有翕永世不泯昔君卽旌雖立碑頌

閼二字

裁足

載字加有瑕股君之弟故太尉公薨歸葬舊陵于是從子故五原
太守鴻議郎柔及肩孫范闕二_字懷祖之闕迺更刊石不改前文蓋
用昭明祖勳德自宣達情_闕續三庶傳不朽虛云衍_{又十九}

議郎元賓碑

延嘉二年

闕上字元賓齊相之孫成德口口口東安平令北海相闕下
闕弟子中牟令兄子也君生也卽有殊摠脩孝行闕下鄉黨乾乾積
善念於濟人故朋疇宗親受爵位者皆闕下也加有聰明徵據之
大博五經之滋味覽羣書之要闕下圖籍擒翰著作時人莫能預
其思辯論口口文章爛闕下孝廉亢弘名于三署揚清厲于海內
除倉龍司馬詔闕下試經第一衛尉察尤異遷吳令憲春陽呂加
惠則陰闕下擊有高宰鄭見思之歌視事二稔民用寧康邑不媚
闕下雲之高翻馨色斯辟州從事雖進口口口口退不枉尺直
擗闕下聖朝旌勳公車徵拜議郎當豐闕下姻媾光國興家闕下

全後漢文卷九十九

七

毓殲哉良人幸冊八延熹二年二月

闕二字

卒天子閔

闕下二字

睿

嗟使者臨弔賄贈特加於是族庶門人莫不傷瘁
君德其辭曰口口口蘊無倫揚休聲爲三臣播忠冊列帝庭名顯
章光四下闕建靈石岳鴻勳昭來据示後昆六
建靈石岳鴻勳昭來据示後昆
張休碑銘延熹三年三月

太凶雖高無得而擬劍道雖險孰可爲仄吁嗟此凶高且險只上
眠波蕪相去能幾安乎昆俞日月所轂行九過茲鮮不爲涕深念
于斯刊銘碑漢延熹二年三月初四下闕張休九

王君造四縣邸碑

惟茲陳國故曰淮陽郡云云清惠著聞爲百姓惠愛求賢養士千
有餘人賜與田宅吏舍自捐俸錢助之成邸五官掾西華陳駢等
二百五人昌延熹二年云云故其頌曰

脩德立功四縣回附水經二上二渠水注陳城內有漢相王君造
四縣邸碑文字刻闕不可悉識其略曰云云

楚相孫叔敖碑

延熹三年五月

楚相孫君諱饒字叔敖本是縣人也六國時明思屬楚楚都南郢
南郢卽南郡涇陵縣也君受純靈之精懷絕世之才有大賢次聖
之質少見技首地對其母泣吾將死母問其故曰昔聞見技首地
者死今日見之母曰若柰之何吾旅行數十步念獨吾死可空復
令他人見之死爲目掩其刑母曰若無憂焉其陰德玄善遂爲
父母九族所異及其爲相布政臥道孝文象之度敬授民時聚藏
於山殖物於藪宣導川谷波障源潔溉灌坂澤堤防湖浦臥爲池
沼鍾天地之美收九罭之利臥慇潤國家家富人喜優嗜樂業栻
序左朝堅無頗誠豐年蕃庶人有曾閔貞孝之行四民美好從官
中節高相改幣一朝而化其憂國忘私乘馬三乘不別牝牡繼高
陽重榮五舉子文之統其忠信廉勇禮樂文章軌儀同制其富國
充民明天時盡地力霆堅禹稷不能踰也專國權寵而不榮華一

旦可得百金至於沒齒而無分銖之蓄破玉玦不呴寶財遺子孫終始若吳去不善如絕縕辟患者於無形衛節高義敦良奇分自曹臧孤竹吳札子罕之倫不能驂也生於季末仕于靈王立溷濁而澧清寢幽暗而照明其遺武餘典恨不與誠皇帝代同世世爲列姪國左朝廷其意常墨墨若冠章甫而聖塗炭也病甚臨卒將無棺槨令其子曰優孟曾許千金貸吾孟楚之樂長與相君相善雖言千金實不負也卒後數年莊王置酒以爲樂優孟乃言孫君相楚之功卽慷慨商歌曲曰貪吏而可爲而不可爲廉吏而可爲而不可爲貪吏不負也卒後數年莊王置酒以爲樂優孟乃言孫君相楚之功卽慷慨商歌曲曰貪吏而可爲而不可爲廉吏而可爲而不可爲貪吏而可爲者當時有清名而不可爲者子孫困窮披褐而賣薪廉吏而可爲者當時有清名而不可爲者子孫困窮披褐而賣薪貪吏常苦富廉吏常苦貧獨不見楚相孫叔敖廉絜不受錢涕泣數行若闕首王王心感動覺悟問孟孟具列對卽求其子而加封焉子辭父有命如楚不忘亡臣社稷闕而欲有賞必於潘國下涇

燒墳人所不貪遂封潘鄉潘卽固始也三九無嗣國絕祀廢固始
令段君夢見孫君則存其後就其故祠爲架廟屋立石銘碑春秋
亟嘗明神報祐卽歲遷長掖大守及期思縣宰段君諱光字世賢
魏郡鄴人庶慕先賢體德允恭篤古尊舊奉履憲章欽翼天道五
典興通文籍祭祠祇肅神明臨縣一載志在惠康旌枯稟乏愛育
藜蒸討掃醜類解寃是矜杜僞養善是忠表仁感想孫君迺發嘉
訓興祀立壇勤勤愛敬念意自然刻石銘碑千載表績萬古標記
福祐期思縣興士穢孫氏蒙恩漢延熹三年五月廿八日立隸釋
孫叔敖碑陰

延熹三年

延熹三年歲在閏二月中夏之節政在封表期思長光視事一紀訪
問國中耆年舊齒素聞孫君楚時良輔本起此邦垂名於後博求
遺苗曾玄孫子孝龜吉辰五月辛卯宜臥存廢可立碑祀招請諸
孫都會國右郭西道北冕所顯好興上空祭倡優鼓饌式序其胄

授之端首光弘不肖貪追賢烈弘自榮寵時丞左馮翊姓如諱武
尉京兆周陵詳集其造戶曹掾袁騰令史許松

相君有三嗣長子卽封食邑固始少子在江陵中子居三關壘
關業續林二宗則其苗胄也相君卒後十有餘世有渤海太守字
武伯武伯有二子長子字伯尉少子字仲尉仕郡爲掾史伯尉有
一子字世伯舉江夏孝廉城門候仲尉有二子長子字孝伯荊州
從事弟世信仕關二掾功曹會平哀之間宗黨爲賊寇所殺世伯
孝伯世信關各遺一子財八九歲微弱不能仕學世伯子字子仲
治產於續壘有六男一女大子字長都次子蘭卿次弟字仲陽次
弟字叔通次弟字衛公次弟字劉卿此續宗六父也孝伯子字文
關亦不仕學治產於材壘亦有六男一女大子字惠明次弟字次
卿次弟字聖公次弟字稚卿次弟字彥卿次弟字少都此材宗六
父也世信一子相承季陵文卿孝公比關壘一父別其高祖與材

高祖父親兄弟孫氏宗族別

闕謐紀也

林釋

中常侍樊安碑

延熹三年

君諱安，字子仲，南陽湖陽人也。厥祖曰仲山父，鄧佐周宣出納王命，爲之喉舌，以致中興，食采弓樊。子孫氏焉亦出載德，守業不衡，在漢中葉篤生哲媛，佞性南頓，實產世祖。征討逆畔，復漢郊廟。而樊氏昌帝元舅，顯受蒙土，封寵五國，壽張侯。昌功德加位，特進其次。竝昌高聲處卿校侍中，尚書據州典郡，不可勝載。爲天下著性，君務昌好學治韓詩論語孝經兼通記傳古今異義，甘貧樂約，意不同風。天姿淑慎，稟性有直，秉操不移。不昌覲貴，世政促峻。邑宰憲識慢賢，役德破昌，勞事然後慷慨，礮憤宦，亏丕室，厯中黃門亢從假史，拜小黃門。小黃門右史遷減府令，中常侍。其事上也，貞固密慎，矜矜戰戰，作主股肱，助國視聽。外讞不誣，內言不泄，爲近臣楷模。是昌兄弟並盛，雙據二郡。宗親賴榮，年五十有六，昌永壽四

年二月甲辰卒，朝思其忠，追拜騎都尉，寵旨印綬、策書褒獎賄附有加。嗣子遷寶，自幼弱夙敘，委爵而喪所天，禮備復位，召延熹三年冬十有一月，自上烝祭，乃尋惟烈考恭脩之懿，勒之碑石，俾不失隨其辭曰：

肅肅我君，帝躬是翼，事多難，我君是力，秉此小心，自亮皇誠。惟帝念功庸自輿服，大命顧震，魂神僂伏，龜爻追遷，用光其德，鵠鵠遺稱，佞性仁式，勒銘茲石，告示固極，勳名不剏，永昭千億。制詔中常侍樊安宿衛，歷年恭恪，淑慎堅厚，被疾病，不棄終始，今使湖陽邑長劉操，追號安爲騎都尉，贈印綬，魂而有靈，嘉其寵榮，嗚呼哀哉！

延熹元年八月廿四日丁酉下

隸六又見
右文苑九

封丘令王元賓碑

延熹四年五月

君諱闕，字元賓，御史君之孫，茂材君之子也。其先出自周室，歷秦及漢，有國有家，宰相牧守，踵武相襲，皆能輸力盡規，紀功載籍，迄

君之身天鍾其美體茲明迹不器之量溫慈惠和行召忠恕弱冠喪父叱孝立稱敦書悅禮闇心術執士階環堵兼業並授門徒雲集盛于洙泗學優而仕位極州郡察孝廉郎謁者考工苑陵集封丘令經國叱禮師下叱德勤庶有耽見闇用闇辟賊遠屏茲軌埽迹叱母憂去官服祥辟司空府補闕闇銜好是正直更穹罕弔降茲闇涼季世有八延熹四年五月辛酉遭命而終國噴柱石之佐世屯英產之士遠近闇嗟莫不傷焉咸叱爲絕美殊勳宜在金石垂示無窮乃作銘曰

於穆王君穹天生德明允篤誠小心祗翼永言孝思閨庭允勑濟濟學徒來宗來式牧守加禮班敘志職闇貢皇國宿衛帝側王用錫命撫臨三國三國克寧乃大明服闇頌君闇永垂巴極缺續十九

賜進士出身二品銜廣東等處提刑按察使司按察使兼督學政事務黃岡王毓藻校刊

全後漢文卷九十九終